

先秦史研究文獻三種

先秦史研究文獻三種

第 2 冊

先秦史研究文獻三種

第2冊



國家圖書館出版社

(宋)蘇轍撰

古史六十卷

卷十八至四十四

明(1368—1644)刻本

第二冊目錄

古史六十卷(卷十八至四十四) (宋)蘇轍撰

卷十八	鄭世家		一
卷十九	越世家		三一
卷二十	趙世家		四五
卷二十一	魏世家		一〇一
卷二十二	韓世家		一四五
卷二十三	田敬仲世家		一六三
卷二十四	伯夷列傳		一九九

卷二十五	管晏列傳	二〇三
卷二十六	柳下惠列傳	二一九
卷二十七	曹子臧吳季札列傳	二二七
卷二十八	晉范文子列傳	二三七
卷二十九	晉叔向列傳	二四一
卷三十	鄭子產列傳	二五三
卷三十一	孔子列傳	二六七
卷三十二	孔子弟子列傳	三〇一
卷三十三	老子列傳	三六五
卷三十四	孟子孫卿列傳	三八三
卷三十五	伍員列傳	三九五
卷三十六	孫武吳起列傳	四〇三
卷三十七	范蠡大夫種列傳	四一五

卷三十八	葉公列傳	四二七
卷三十九	商君列傳	四三七
卷四十	蘇秦列傳	四五一
卷四十一	張儀列傳	四八九
卷四十二	樗里子甘茂列傳	五二七
卷四十三	穰侯列傳	五四五
卷四十四	白起王翦列傳	五五五

古史六十卷

卷三十八至四十四

明(1368-1644)刻本

鄭世家第十一

古史十八

鄭桓公友者周厲王少子宣王庶弟也宣王二十三年
初封於鄭幽王八年爲周司徒幽王以褒姒故王室多
邪諸侯叛之桓公懼及其難問於史伯吾何所可以逃
死史伯對曰王室將卑戎狄必昌不可偏也當成周者
南有荆蠻申呂應鄧陳蔡隨唐北有衛燕狄鮮虞路洛
泉徐蒲西有虞虢晉隗霍楊魏芮東有齊魯曹宋滕薛
鄒莒是非王之支子母弟甥舅則皆蠻荆戎狄非親則
頑不可入也濟洛河潁之間子男之國虢鄆爲大虢叔
恃勢鄆仲恃險皆有驕侈貪冒之心君若以周難之故

寄孥與賄焉不敢不許周亂矣必將背君若以成周之
衆伐之無不克矣既克二邑鄢弊補丹依畎歷華君之
土也若前華後河右洛左濟主芣騶而食溱洧修典刑
以守之可以少固公說乃東寄孥與賄號鄢受之十邑
皆有寄地遂建國焉十一年申繒召西戎以伐周殺幽
王於麗山之下桓公死之鄭人立其子掘突是爲武公
案索隱鄭昭公名忽厲公名突皆武公之孫世豈有孫
與祖同名者武公之名必傳者之誤理或然也然無以
考證姑錄
舊史而已武公復爲周司徒國人宜之詩人爲之賦緇
衣武公十年娶于申生寤生及段姜氏惡寤生而愛段
欲立之公弗許二十七年武公卒寤生立是爲莊公姜

氏請封段邑之於京祭仲曰都城過百雉國之害也公
曰姜氏欲之焉辟害段既居京又私其旁邑公子呂復
請除之公不聽二十二年段與姜氏謀襲鄭公聞之乃
使呂伐之段出奔共遷姜氏于城潁而誓之曰不及黃
泉毋相見也既而悔之潁封人考叔聞之言於公曰君
何患闕地及泉隧而相見可也公從之乃復姜氏如初
鄭自桓公而爲周卿士平王始貳於虢周鄭相惡王子
狐爲質于鄭鄭公子忽爲質于周二十四年平王崩周
人將以政弔虢公四月使祭仲帥師取溫之麥秋又取
成周之禾二十七年公朝于周桓王不禮焉二十九年

以泰山之祊易魯許田釋泰山而祀周公號公忌父遂
爲周卿士公以齊人朝王三十年王命公爲左卿士宋
公不王公以王命討之三十二年公及齊魯入許許男
奔衛使許大夫百里奉許叔以居許東偏使公孫獲居
許西偏曰我死則去之毋與許爭桓王復取我鄆蔿邶
之田而與我蘇氏十二邑蘇氏叛周王不能有也周自
是遂失鄭是時楚方比征諸夏三十三年公會蔡侯于
鄧以謀楚三十七年王奪公政公不朝王從蔡衛陳人
來伐公禦之王卒敗祝聃射王中肩膊請從王公不許
夜使祭仲勞王三十八年比戎伐齊太子忽帥師救之

大敗戎師齊人餽諸侯之大夫使魯爲之班魯以周班
後鄭忽怒四十二年以齊師衛師攻魯明年莊公卒祭
仲立忽是爲昭公公之爲太子也齊侯將妻之以齊大
非偶辭及其敗戎師也齊侯又請妻之固辭祭仲曰君
多內寵子無大援將不立不聽莊公寵子三人曰子突
子亹子儀突母宋雍氏曰雍姑雍氏有寵於宋莊公宋
人誘祭仲執而與之盟使立突仲歸忽出奔衛突立是
爲厲公宋以立公故責賂無已魯侯欲平我於宋宋公
不可元年十二月師及魯師伐宋二年宋以齊衛燕人
來戰我及魯師敗之三年宋復以諸侯伐我四年公患

祭仲專使其壻雍糾殺之不克糾死夏公出奔蔡昭公復入許叔入于許秋厲公入居于櫟冬諸侯伐我將納厲公不克初莊公將以高渠彌爲卿昭公惡之諫不聽公入二年渠彌弑公而立子亶子亶元年齊襄公師于首止將討昭公之亂子亶會之高渠彌相齊人殺子亶而輟高渠彌祭仲逾子儀于陳立之子儀十四年厲公自櫟侵鄭獲傅瑕瑕請納公盟而舍之六月瑕弑子儀及其二子而納厲公公之出十七年矣入而殺傅瑕以其貳於子儀又責原繁以其不納已也繁縊而死後元年公會諸侯于鄆齊桓公始伯旣而宋齊邾伐郕我聞

之侵宋二年春宋齊衛伐我冬公及諸侯盟于幽始成
于齊三年齊人以公之不朝也執我大夫詹五年周大
夫奉王子頹以伐惠王不克出奔衛衛燕爲之伐周六
年公和王室執燕仲父以王歸處于櫟子頹享大夫樂
及徧舞公謂虢公曰子頹于王之位禍莫大焉而歌舞
不倦是樂禍也樂禍必敗乃謀納王七年公及虢公納
王殺子頹享王于闕西樂備原伯曰鄭伯效尤亦將有
咎王賜我武公之略自虎牢以西五月厲公卒子文公
捷立七年楚子元伐我入純門縣門不發楚言而出楚
師疑焉諸侯來救楚師夜遁十三年狄入衛公惡高克

使帥師次于河上以禦狄久而弗召師潰而歸高克奔陳詩人爲之賦清人十四年楚人伐我比三歲來伐以我卽齊故十七年齊桓公服楚於召陵師還將出於陳鄭之間陳轅濤塗與我大夫申侯謀譎齊使出於東方申侯許而陰背之齊侯說與之虎牢濤塗謂申侯必城之因譖之公曰申侯將以城叛十八年惠王將廢太子鄭而立帶齊桓公合諸侯盟于首止以定鄭王疾齊使周公導鄭叛齊從楚公喜於王命逃歸不盟十九年諸侯伐我二十年齊復伐我公殺申侯以說秋世子華會諸侯盟于甯母華言于齊侯請去洩氏孔氏子人氏三

族而以鄭爲內臣齊侯不許二十一年公乞盟于齊二十九
年殺世子華三十年齊桓公卒公再朝于楚宋襄公怒三十
五年宋伐我楚子來救敗宋公于泓公享楚子取我二姬以
歸晉公子重耳亡過我公不爲禮叔詹諫不聽三十七年伐
滑王使伯服游孫爲滑請公不聽而執二子王以狄伐我取
櫟王德狄人以其女爲后旣而黜之狄攻王王來處于汜
公與孔將鉏石甲父侯宣多省視官具而後聽政四十年
公及楚人圍宋四十一年公如楚勸伐晉晉文公敗楚師于
城濮公懼使子人九行成公及晉侯盟于衡雍四十二年晉
侯秦伯圍我

責無禮且貳於楚公使燭之武夜見秦伯曰鄭知亡矣
然亡鄭以陪晉晉之厚君之薄也若舍鄭以爲東道主
君亦何所不利秦伯說使杞子逢孫楊孫戍鄭而還晉
師亦去初文公有子六人子華子臧得罪死子士死於
楚子俞彌早卒子蘭奔晉惟子瑕在而公惡之弗立也
子蘭之母曰燕姑賤妾也夢天使與已蘭曰余爲伯僚
余而祖也以是爲而子故生子名之曰蘭蘭從晉侯圍
鄭石癸曰吾聞姬姑耦其子孫必蕃於是召而立之以
與晉平四十五年文公卒子穆公蘭立杞子使告于秦
曰鄭人使我掌其北門若潛師以來鄭可得也秦伯從

之元年秦師及滑鄭商人弦高將市于周以乘韋先牛
十二以君命犒師且使遽告公使皇武子辭焉秦師知
其有備乃去十年楚人間晉靈公之少也師于狼淵以
伐我囚公子堅公子龙及樂耳遂及楚平十一年楚子
伐宋田於孟諸宋公爲右孟公爲左孟十八年晉侯會
諸侯于扈以我貳於楚不見公公子歸生使謂趙盾曰
居晉楚之間而從於強令豈吾罪也晉人乃行成使趙
穿公壻池來質我亦使太子夷石楚爲質于晉初宋人
弑昭公而齊懿公凌虐魯國晉再合諸侯將討之皆取
賂而還二十年公及楚盟以晉爲不足與也秋晉趙盾